

- na lični zahtjev i
- ako ne ispunjava svoje dužnosti kao član Zdravstvenog savjeta, u skladu sa poslovnikom o radu.

#### Član 8.

Zdravstveni savjet podnosi ministru zdravstva Kantona Sarajevo izvještaj o radu, najmanje jednom godišnje, a po potrebi, na zahtjev kantonalnog ministra zdravstva, i za kraći period.

Izveštaj iz stava 1. ovog člana, radi dostupnosti javnosti, objavljuju se na web-stranici Ministarstva zdravstva Kantona Sarajevo.

#### Član 9.

Predsjedniku i članovima Zdravstvenog savjeta pripada naknada u skladu sa Odlukom o načinu obrazovanja i utvrđivanja visine naknade za rad radnih tijela koje obrazuju Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 21/09 - Prečišćeni tekst i 19/12, 26/14 i 44/14).

### III - PRELAZNE I ZAVRŠNE ODREDBE

#### Član 10.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 10-02-27415/15  
15. oktobra/listopada  
2015. godine  
Sarajevo

Ministrica  
Prim. dr. **Emira**  
**Tanović - Mikulec**, s. r.

(SI-974/15-F)



1561

Na osnovu člana 77. stav 9. Zakona o zdravstvenoj zaštiti ("Službene novine Federacije BiH", broj 46/10 i 75/13) i člana 66. i 67. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), ministrica zdravstva Kantona Sarajevo donosi

### PRAVILNIK O ETIČKOM KOMITETU MINISTARSTVA ZDRAVSTVA KANTONA SARAJEVO

#### Član 1.

Ovim pravilnikom određuje se broj i sastav članova Etičkog komiteta Ministarstva zdravstva Kantona Sarajevo (u daljem tekstu: Etički komitet), mandat članova, način izbora i razrješenja članova, poslovi i zadaci, način rada, i način finansiranja.

#### Član 2.

Etički komitet je stručno tijelo Ministarstva zdravstva Kantona Sarajevo koje prati pružanje i provođenje zdravstvene zaštite na teritoriji Kantona Sarajevo, na načelima etike i medicinske deontologije.

#### Član 3.

Nadležnosti Etičkog komiteta su:

- prati primjenu načela etike i medicinske deontologije zdravstvenih radnika u obavljanju zdravstvene djelatnosti na teritoriji kantona,
- daje saglasnost za provođenje medicinskih i naučnih ispitivanja za Kanton Sarajevo, koja se smatra prethodnim postupkom u okviru odobravanja tih ispitivanja od strane nadležnog organa,
- prati provođenje medicinskih i naučnih ispitivanja, kao i kliničkih ispitivanja lijekova i medicinskih sredstava,
- prati upotrebu odobrenih novih zdravstvenih tehnologija,

- daje mišljenja o spornim pitanjima koja su od značaja za provođenje medicinskih i naučnih ispitivanja u oblasti zdravstva,
- prati provođenje odluka i razmatra stručna pitanja u vezi sa primjenom mjera u zdravstvenim ustanovama na teritoriji Kantona Sarajevo,
- prati povrede prava pacijenata i sistemski radi na unapređenju stanja u ovoj oblasti u skladu sa propisima o pravima, obavezama i odgovornostima pacijenata,
- razmatra i druga pitanja etike i medicinske deontologije u provođenju zdravstvene zaštite,
- podnosi godišnji izvještaj ministru zdravstva Kantona Sarajevo o svom radu, kao i o uočenim problemima, nedostacima i primjedbama u radu etičkih komiteta zdravstvenih ustanova,
- koordinira rad etičkih komiteta zdravstvenih ustanova sa područja Kantona Sarajevo.

#### Član 4.

Etički komitet ima pet (5) članova koji se biraju iz reda istaknutih stručnjaka koji imaju značajne rezultate u radu, kao i doprinos u oblasti zdravstvene zaštite, profesionalne etike zdravstvenih radnika i humanističkih nauka.

Mandat članova Etičkog komiteta traje četiri godine, s mogućnošću ponovnog izbora za još jedan mandatni period.

Predsjednika i članove Etičkog komiteta rješenjem imenuje ministar zdravstva Kantona Sarajevo, uz ravnopravnu zastupljenost oba spola.

#### Član 5.

Etički komitet donosi poslovnik o radu kojim se bliže uređuje organizacija i način rada.

Administrativne poslove za Etički komitet vrši Ministarstvo zdravstva Kantona Sarajevo.

#### Član 6.

Predsjednik i članovi Etičkog komiteta mogu biti razriješeni i prije isteka mandata na koji su imenovani.

Ministar zdravstva Kantona Sarajevo može razriješiti predsjednika i članove Etičkog komiteta i prije isteka mandata i to:

- na lični zahtjev i
- ako ne ispunjava svoje dužnosti kao član Etičkog komiteta, u skladu sa poslovnikom o radu.

#### Član 7.

Predsjedniku i članovima Etičkog komiteta pripada naknada za rad koja se isplaćuje iz sredstava Budžeta Kantona Sarajevo.

Visina naknade za rad Etičkog komiteta utvrđuje se u skladu sa Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 21/09 - Prečišćeni tekst i 19/12, 26/14 i 44/14).

#### Član 8.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 10-02-27492/15  
16. oktobra/listopada  
2015. godine  
Sarajevo

Ministrica  
Prim. dr. **Emira**  
**Tanović - Mikulec**, s. r.

(SI-975/15-F)